

續修曲阜縣志

孔昭曾
謹署



續修曲阜縣志卷二

聖賢志

世家二

孔氏宗子
孔氏行輩

東野氏
顏氏
孔氏奉述聖祀事

孔氏宗子

乾隆三十七年賜衍聖公孔昭煥欽定重刻淳化閣法帖二部又賜孔憲培欽定重刻淳化閣法帖一部貂緞筆硯等件

三十九年賜衍聖公御製詩三集一部御製評鑑闡要一部

四十一年平定金川告捷幸魯祭告文廟釋奠禮成賞賚優渥衍聖公孔昭煥赴京謝恩恭遇平定金川凱旋獻俘行郊勞禮特命衍聖公並子入紫光閣陪宴仍勅禮部賜宴賞賚如前

四十二年賜衍聖公御製擬白居易新樂府一部又賜衍聖公孔昭煥母何氏子媳于氏裝閃金字緞緞疋如意等件二十五事各一分

四十三年賜衍聖公御製全韻詩一部

四十四年頒平定準夷回戰圖一部又賜蘭亭八柱帖一部

四十五年聖駕南巡回鑾衍聖公率長子孔憲培次子孔憲增恭迎聖駕召見賞大
緞宮紬

四十七年八月二十八日衍聖公孔昭煥因病乞休蒙恩准其解職調理勅以長子
憲培承襲是年八月二十八日衍聖公孔昭煥薨逝

四十九年二月駕幸闕里釋奠先聖禮成賜御製詩章特恩以衍聖公孔憲培在制
不賜宴三月聖駕自浙江回鑾衍聖公率博士族人恭迎時值誕生皇玄孫衍聖公
叩賀天喜五月入都謝恩

五十年二月恭逢臨雍盛典前期禮部行取帶領諸賢後裔赴京陪祀觀禮賞衍聖
公御製雪詩原韻一首貂冠朝服御論二篇徽墨二匣貂皮四張奉旨配祀各博士
後裔人員送監讀書

五十一年頒賞金川戰圖十六幅

五十四年賞御批通鑑纂覽一部

五十五年三月恭逢幸魯大典聖公率各博士族人預期赴直隸阜城界恭迎聖駕
蒙頒賞御筆樂毅論十四日臨幸闕里親詣文廟拈香十五日釋奠禮成

五十六年賞聖公御製四得論四得續論墨刻一分

五十七年壬子賞衍聖公御製摺圭說墨刻御製圭瑁說墨刻御製反蘇軾超然台
記說墨刻共三卷

五十八年癸丑賞平定台灣圖一分又蒙頒賞通志堂經解一部是年十二月衍聖
公孔憲培薨逝嗣子孔慶鎔承襲

嘉慶元年丙辰頒賜衍聖公欽定四庫全書總目一部十六函又賜衍聖公乾隆御
定石經四十函二百六冊

嘉慶二年丁巳四月頒衍聖公太上皇帝御製匣衍記墨刻一卷是年九月頒衍聖

公太上皇帝御筆南籠圍解詩墨刻一卷是年十月頒衍聖公太上皇帝御製自責詩墨刻一卷

三年戊午二月恭逢皇上臨雍講學先期禮部請旨行取帶領俊秀並四配十二哲元聖後裔世襲博士各帶族中俊秀馳驛赴京陪祀觀禮蒙頒貂冠一頂朝服成襲大緞四捲貂皮四張徽墨四匣陪祀各博士人員送監讀書賞賚有差

五年庚申二月皇上恭奉高宗純皇帝升配園丘將以是年五月升配方澤特遣都察院左副都御史賡音祭告闕里先師孔子祭文另有單是年三月欽頒千叟宴詩一部六函三十六本是年五月頒發御書聖集大成匾

六年辛酉二月頒賞衍聖公高宗純皇帝御製文三集一函八冊十六卷御製文餘集一函二冊二卷御製詩餘集二函

七年壬戌春二月頒衍聖公御製味餘書室全集一分冬十二月頒衍聖公高宗純皇帝御製平苗紀事詩并圖二十幅

八年癸亥春三月頒衍聖公御製平定三省紀略石刻一幅

九年甲子秋七月頒衍聖公御製初集一分

十年重修聖蹟殿

十三年戊辰夏五月上諭闕里至聖廟着巡撫吉綸親往勘估動帑興修

十四年己巳十月遣內閣學士兼禮部侍郎王綬來祭告孔子廟是年十月衍聖公入廟叩賀皇上五旬萬壽慶典蒙賜克食又蒙頒賞鑲玉如意一柄黃絹二端黃花絹二端高麗布二疋

十七年壬申八月頒賞衍聖公御製全史詩一部

二十四年十月特遣刑部左侍郎廉善祭告孔子廟

二十年頒發聖協時中匾額

道光元年四月仁宗睿皇帝升配園丘遣青州副都統西陵阿來祭告孔子廟

道光三年二月恭逢臨雍盛典衍聖公恭陪皇上詣學釋奠禮成臨雍聽講頒賞衍

曲阜縣志 卷二
聖公暨各博士後裔衣物等件有差送監讀書

道光五年四月賜衍聖公孔慶鎔之母于氏御祭

六年七月頒衍聖公孔慶鎔大精通禮一部

八年遣青州副都統宗室國祥來祭告孔子廟

十年賜衍聖公孔慶鎔御製詩初集是年四月賜御製巡幸盛京詩

十一年九月賜康熙字典御製文初集

十二年頒平定回疆勦擒逆裔方略全部

十五年賜銅板戰圖

十六年遣兗州鎮總兵尙政善來祭告孔子廟

二十一年二月衍聖公孔慶鎔薨逝著有鐵山園詩集八卷得邀恩旨賜祭遣兗州

知府岳齡來曲致祭

二十二年孔繁瀨承襲衍聖公

二十六年丙午三月遣曹州鎮總兵官祺壽來祭告至聖先師是年十二月奉旨重修尼山聖廟書院

二十七年二月孔繁瀨之母畢氏薨逝遣兗州知府汪承鏞來曲致祭

三十年頒登極恩詔是年三月衍聖公孔繁瀨入京蒙召見七次賞御纂朱子全書淵鑑類函各一部歷代通鑑輯覽三十二本並賞親書德齊幃載匾額

咸豐二年八月遣山東青州副都統長清致祭至聖先師

三年恭逢臨雍大典衍聖公孔繁瀨率同各博士入京陪祀頒賜朝帽朝衣緞疋等件賞加太子太保銜寵畀御製詩章詩曰曾向宮牆薦德馨高山嚮往景前型千秋入覲衣冠化一代天鍾海嶽靈詩禮澤長庭有訓粥饠風古鼎留銘時清尙染澆漓俗願藉家傳鐸喚醒

同治元年八月遣山東青州副都統恩夔致祭至聖先師頒聖神天縱匾額九月衍聖公孔繁瀨薨逝賜諡端恪遣兗州知府孫嘉穀致祭

二年九月孔祥珂承襲衍聖公

七年八月奉上諭李鴻章奏曲阜孔廟宜及時修葺請飭兩江湖廣總督各籌銀二萬兩彙解山東並由山東巡撫在本省籌銀派員興修等語卽着曾國藩郭伯蔭於該省撤軍就緒後各速籌銀二萬兩解赴東省並着丁寶楨在該省籌銀二萬兩遴派妥員謹將大成殿九間檐宇及坍塌各工擇要興修以昭誠敬欽此是年十月准前兩江爵閣部堂曾國藩咨據徐海高道稟請酌撥新團公田八百畝由銅山縣發給大錢每年租錢壹百四十四千至民國三年停發

十二年十月山東巡撫丁寶楨奏沂曹濟道成允遇缺題奏道陳錦堯州知府伊勒通阿曲阜縣知縣趙擇雅等行修廟告成之禮致祭至聖先師孔子文曰至聖道隆師表運啟文明通天地人以爲儒立德言功於不朽百官宗廟明日月之常行萬仞宮牆比山河而並壽茲屆重新輪奐允宜敬奠尊彝俎豆旣陳宮懸斯作禮明樂備仰見聖人桑梓之居人傑地靈具徵盛世菁莪之化尙饗

光緒元年四月衍聖公孔繁灝之妻畢氏薨逝遣兗州知府伊勒通阿致祭是年五月遣青州副都統春福致祭至聖先師

二年九月衍聖公孔祥珂薨逝賜諡莊愨遣兗州知府伊勒通阿致祭

三年十月孔令貽承襲衍聖公

十一年十二月衍聖公府第遭回祿災

十二年山東巡撫張曜募款重修聖公府第

十三年六月遣山東青州副都統德克吉訥致祭至聖先師

十四年衍聖公孔令貽入都陛見蒙賜御筆福壽字各一張四庫全書總目朱子全書各一部是年十一月頒斯文在茲匾額

十五年七月遣青州副都統德克吉訥致祭至聖先師

十六年九月遣青州副都統德克吉訥致祭至聖先師是年十月衍聖公孔令貽同其母彭氏入都謝恩蒙賜宴禮部賞給筆墨箋紙袍褂料等件御書斯文在茲匾額

二十年衍聖公入京祝嘏蒙恩賞戴雙眼花翎是年十一月奉上諭翰林院侍講王懿榮請飭整理衍聖公府地產一摺據稱衍聖公府各項地產載在會典事例及闕里文獻考頃畝甚詳前次巡撫張曜查出江蘇銅山沛縣一帶涸田未及具奏請飭查明撥補等語衍聖公府田產既有官私載籍可憑自無難確切履勘着戶部行知兩江總督江蘇山東各巡撫按照原奏各節調齊冊卷分晰查清如數撥補據實具奏另片奏請將修葺曲阜書院罰款銀兩發交生息以充四氏學膏火一節着山東巡撫查明辦理又片奏請飭各省將書局所刻經籍解送衍聖公府儲藏等語卽着山東巡撫咨行各督撫遵照辦理欽此

二十一年三月遣青州副都統德恆致祭至聖先師

二十二年十月山東巡撫轉准戶部咨經前署兩江總督張之洞查明原失祀田無從尋認識由銅沛一帶各團上賦之地撥補一百四十二頃每年由徐州道發給租錢二千八百八十千至民國三年停發

二十五年七十六代衍聖公之妻孫氏薨逝遣官諭祭

三十一年三月遣青州副都統宗室英瑞致祭至聖先師

三十二年十二月奉旨升先聖大祀衍聖公入都謝恩乃蒙頒賜彭氏御書爲世禮宗匾額並准建坊又蒙欽派稽查山東全省學務山東楊中丞保薦先公四氏師範學堂總理津浦鐵路所佔地畝先公呈請報効中外各界名公鉅卿人士下車瞻謁林廟者絡繹先公特委招待各員追賠款待

三十四年山東巡撫吳廷斌重修聖廟是年五月衍聖公孔令貽之母彭氏薨逝遣候補道陳亮諭祭

宣統元年七月遣青州副都統英瑞致祭先師孔子是年頒發武舞譜

二年十二月衍聖公孔令貽蒙恩賞穿帶膝貂褂筆墨書籍等件御書中和位育匾額

民國二年八月二十七日至聖先師聖誕大總統遣派代表來曲致祭並開孔教大

會十一月大總統令聖賢後裔膺受榮典祀典均仍其舊並給予衍聖公孔令貽一等大綬寶光嘉禾章

民國三年三月大總統令制定崇聖典例十八條是年九月大總統教令依公爵舊制酌定衍聖公孔令貽歲俸銀二千圓並酌定執事官四十員歲俸銀一千二百圓是年十月大總統發下祀孔典禮祭祀冠服制各一本

四年大總統申令修正崇聖典例

七年山東張代督軍電達日本駐青本鄉司令製備銀爐擬獻聖廟

八年大總統令林廟奉衛之職規定每年四千圓祭器樂器歲修費規定每年二千圓由曲阜縣撥給至十七年停發是年九月衍聖公孔令貽在京薨逝大總統賞治喪費三千圓派京兆尹王達前往致祭俟靈柩回籍派陸榮啟致祭

九年五月准內務部文至聖後裔舊有五經博士等職均改爲奉祀官八員每年每員俸薪一百圓至十七年停發先賢先儒後裔各博士改爲奉祀官二十三員每年

每員俸薪一百圓至十七年停發十一月孔德成承襲衍聖公

十一年准山東省長咨安徽壽縣公民孫多嘯捐款修理林廟有碑可考

十三年香港商人郭禎祥獨任銀洋四萬元捐修尼山聖廟有碑可考

十四年聖公府創設闕里孔氏私立明德中學校函請山東省長令行教育廳備案
十五年十一月准山東省長令催財政廳將黃土崗地方聖府迷失祀田四百八十
頃令飭局縣會同衍聖公府委員切實勘丈照案移交因時局變亂未及收回延至
十七年據湖田局函復檔案因亂散失無憑報命至前准照撥祭田原案能否認爲
有效仍須由貴公府函請省政府核明辦理俟奉省令乃可切實遵行

聖廟鉶鹽例由山東鹽運司每年發給四十八引至十七年停發

十九年二月衍聖公孔德成之母薨逝六月因南北戰爭曲阜被圍十一晝夜孔聖
林廟被創甚鉅經山東主席韓復榘倡募捐欸急欲興修

二十三年八月二十七日中央特派主祭葉楚傖暨陪祭行政院代表褚民誼立法

院代表彭養光、司法院代表陳箇民、考試院代表林翔王、用賓監察院代表鄧壽荃、內政部代表傅汝霖、教育部代表雷震山、東省政府主席韓復榘、民政廳廳長李樹春、教育廳廳長何思源、曲阜縣縣長孫永漢、孔氏奉祀官孔德成等謹致祝詞。
民國二十三年十一月國民政府議決衍聖公改爲大成至聖先師奉祀官以特任待遇。

東野氏

七十九代東野崇鑄字象鼎於乾隆二十一年承襲翰林院五經博士子三長緒誥庠生應襲世職次緒誠陪祀恩貢生三緒誥世廩生緒誥等被案訟失職以崇經次子緒詢承襲世職八十代東野緒詢字舜咨於乾隆五十三年承襲翰林院五經博士子四長隆祁庠生應襲世職次隆祐由監生於嘉慶三年逢臨雍盛典行取陪祀送監肄業三月期滿准作恩貢生次隆祉於道光三年逢臨雍盛典行取陪祀送監肄業三月期滿准作恩監生八十一代東野隆祁字介石於嘉慶二十四年承襲翰

林院五經博士生子茂嵩應襲世職八十二代東野茂嵩字景山於咸豐二年承襲翰林院五經博士子三長慶瀛應襲世職次慶濱次慶澧八十三代東野慶瀛字仙嶠於光緒十五年承襲翰林院五經博士嗣因無子以其弟慶澧子傳榮繼承應襲世職

顏氏

顏氏襲職奉祀始自前明自五十七世孫池至七十二代孫士琛襲翰林院五經博士前志載之綦詳七十三代孫錫嘏襲翰林院五經博士道光三年駕幸太學欽取陪祀賜墨及貂皮七十四代孫振佑襲翰林院五經博士早卒其弟振吉代襲咸豐三年駕幸太學欽取陪祀賜墨賜貂皮七十五代孫承裔襲翰林院五經博士七十六代孫景埕襲翰林院五經博士民國改襲奉祀官七十七代孫世鏞民國七年襲奉祀官

孔氏奉述聖祀事

述聖舊無專祠前清主祀者爲五經博士民國改爲中庸書院奉祀官述聖奉祀官任中庸書院奉祀官者有孔繁梓任述聖奉祀官者民國三年有孔慶麟十四年有孔繁樸二十二年有孔慶堃

孔氏行輩

明洪武三十三年賜孔氏八輩公彥承弘聞貞尙胤六十五代胤治因避廟諱改胤字爲衍字崇禎二年六十五代衍聖公胤植有立孔氏行輩十字興毓傳繼廣昭憲慶繁祥清同治二年七十五代衍聖公祥珂有立行輩十字令德維垂佑欽紹念顯揚七十六代衍聖公令貽又擬行輩二十字建道敦安定懋修肇懿長裕文煥景瑞永錫世續昌於民國八年咨請內務部核准有案